



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

LXXXVIII. Kurfürst Friedrich reformirt, in Folge der Zerwürfnisse zwischen  
den Rathmannen, Viergewerken und der Bürgerschaft von Berlin und Köln,  
die Verwaltung beider Städte und verbietet ihnen ...

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

nig Perwenitzes Sonen, mit namen Symon, Peter vnd Thomas, diese hienachgeschriebener guter, ierlich zinse vnd rente zu eyne angevelle geruchen zu leyen, nemelichen in dem dorff vnd die veltmarcken walftertorff einen freyen hoff mit syben huben vnd mit einer freyen Scheffereyen, jnn demselbenn dorffe vnser lieber her vnnd vater den dinft wissenentlichen darobe zu uerkauffen geuolbort hat, Darzu das halbe oberste vnd nyderste gericht mit den halben kirchlehn vnd dreyzehnen stucken geldes, mit wiesen, weyden, holzen, Ackern, gewonnen vnd vngewonnen, vnd mit aller gerechtikeit, nichts aufzgenomen, als das der genante Jacoff biszher gehabt hat, jn dem dorffe Schoneke acht schock, vff dem Schultzen daselbst zwelff hunre vnd uff den kossessen einvnddreissig hunre. Also ob das were, das der genante Jacoff Heideken on menlich leibzlehns-erben von todes wegen abeinge, das denne sulch obingeschribener guter, jerlich zinse vnd Rente an die obingenante seiner Swester kinder kummen vnd gefallen sullen etc. — Alle jn die vnser lieber Bruder Marggraff Johann auch geliehen vnd verschriuen hat etc. Berlin, am donerstag sant Bartholomeus tag, nach Cristi vnser hern gepurt XIII<sup>o</sup>. Jar vnd darnoch jn dem ein vnd vnzigsten Jare.

Spurm. Lehnscopialbuch C. M. XVIII, 148.

LXXXVIII. Kurfürst Friedrich reformirt, in Folge der Zerwürfnisse zwischen den Rathmannen, Biergewerken und der Bürgerschaft von Berlin und Köln, die Verwaltung beider Städte und verbietet ihnen Bündnisse mit andern Städten, am 26. Februar 1442.

Wir Fridrich, von gots gnaden Marggrave in Brandborg, des heiligen Romischen Reichs Ertzkamerer vnd Burggrave zu Nüremberg, Bekennen offenlichen mit diesem brieve vor allen, die in sehen oder hören lesen, Das für vns komen sein die Erfamen, weisen Borgermeistere, Ratmanne, vierwercke vnde gantze gemeine vnser beider Stete Berlin vnd Colen, von der sache wegen, als denn die egenanten vierwercke vnd gantze gemeine schelhaftig vnd zwidrechtig gewesen sin mit den Erfamen Burgemeistern vnd ratmannen, die ettliche zyt bisher den rattstul beider stete Berlin vnd Coln besessen haben, die wile die benannten beide stete mit einem eintrechtigen rate vereyniget gewesen sein, darvon sich dann die obgenannten vierwercke vnde gantze gemeine der benannten vnser beider Stete schaden vnd verterb besorget haben, derselben Zwitracht vnde schelung haben sie sich mit den genannten alten Burgermeistern vnd ratmann so wol vnd gutlich nicht mugen vereinen, als wol not gewesen were vnd als wir gerne gesehen hetten. Dieselbe sache haben sie mit eintracht vnd gutem rate an vns bracht. Dargegen dann die obgenannten alten burgermeistere vnd ratmann auch für vns kommen sein, ire antwert auf der gewercke vnde gemeinen schulde erzelet vnde vns in derselben gewercke vnde gemeinheit geinwertikeit demutiglichen gebeten haben, in des rats gnediglichen zu vertragen. Sie haben vns auch auf dieselben tzyt den rat aufgefaget, vns des mit fliefs gedancket vnd vns die schlüssel zu allen toren von beiden vnsern steten Berlin vnd Coln vbergeantwortet, die furder nach vnser vnde vnser herschaft vnd der genannten vnser stete noddorft zu bestellen vnnd auch einen andern rat zu kiesen vnnd zu setzen,



des wir gantz macht vnd follin gwalt mit irer fulbort haben sollen. Vnd als dann die benannten beide stete auf dasmal nach irem auffagen ane burgermeistere vnd ane ratmann gestanden sein, als sint die obgenannten vierwercke vnd gantz gemeine von stunt darnoch eintrechtighen mit gemeinem rate fur vns kommen vnd haben vns der sachen als iren rechten naturlichen Erbhern mit demutigem fliese angeruffen vnd gebeten, das wir mit vnfern reten die sachen vberwegen, die gebrechen vnde schelungen gnedighen zu erkennen vnd die benannten vnser beider stete vnde doch sunderlichen eine izliche stat besundern, vnser herschaft zu eren vnd zu nutze vnd den obgnanten vnfern steten beiden zu frommen vnd vm vermeidung willen grofers schadens vnde vnwillens, der davon kommen mochte, mit gefundertem rate vorforgen wullen, so das ein rat zu Berlin vnd der ander rat zu Coln gekorn, von vns bestetigt vnd die brive izlicher stat besundern, als oft vnd dicke det not geschicht, ane gift vnd ane gabe geben wolten. Sie haben vns auch furder auf daselbe mal gebeten, wenn solche burgermeistere vnd ratmann in iglicher benannten stat besundern von vns gesatzt vnd bestetiget weren, das wir in dann eine gute gewonliche wiese vmb defs besten willen, fur geben, setzen vnd bestetigen wolten, wie sich igliche stad mit verwandelunge vnd versetzung ire rates nu vnd zu ewigen zieten hirnochmals halten sulden, darmit man sich vor tziwtracht, vnwillen vnde vor schaden bewaren muge. Welche wiese wir in mit vnfern reten also; vnser herschaft zu eren vnd den genannten vnfern steten zu frommen, vorsetzen vnd bestetigen werden, haben Sie vns vnd vnfern lieben bruder Marggraven friderichen, vnser erben vnd nachkommen Marggraven zu Brandenburg mit eintracht vnd mit gutem willen fur sich vnd vor alle ire nachkommen zugesaget vnd gelobt, ewighen zu halten, vnd sie wollen dem ane weddersprache getruweliche gute folge tun, wenn vnde wie oft des not geschicht, an arg vnd an alles geverde. Sulche ire anligende not, zukommenden schaden, der davon erstehen mochte, vnd auch ire demutige bete haben wir angefehen vnd erkant vnd haben den genannten vnfern steten zu Berlin vnd Coln vnde allen Inwonern daselbs von vnser vnd vnfers genannten bruders besunder gnade wegin mit irer aller wissenttschaft, volbort vnd gutem willen diese hirnachgeschriben vnser lieben getruwen in der egenanten vnser statt Berlin zu Burgermeistern gekorn vnd gesatzt, mit Namen: Hanfen Ratelow vnde Augustinus Volker, vnde diese hirnachgeschriben zu ratmann, mit namen: Bartholomeus Pletze, Palm Schulten, Clawfs schultzen, Heinrich Walfsleven, Mathewfse Arndes, Caspar Merofse, Hanse Hadewige, Nickel falkenberge, Hanse francken vnd Jacoffen Heins, vnd in der stat zu Coln: Jacoff Tideken zu burgermeister vnd zu ratmannen Hanse Langen, Hanfen van grymme, Jacoff Ottens, Clawfs Coler vnd Andrewfse Werbeken, die wir alle, als obgeschribben stet, zu burgermeistern vnd ratmannen gesatzt vnd bestetiget haben vnd setzen vnd bestetigen sie in craft dies brieves, das erste Jar nach gebung dies brieves an dem rate zu sin vnd zu blibende. Vnde wir haben auch den gewercken vnde gemeinen burgern vnde allen Inwonern der genannten vnser beider stete Ernstlichen geheissen vnd geboten, das Sie den vorgeschreven Burgermeistern vnd ratmannen vnd auch den, die auff ander Jar noch je hirnochmals gekorn werden, eine igliche stat besundern irem rate in allen sachen von vnser vnde vnfers liebin bruders vnd der herschaft wegin gehorsam zu sin vnde zu blibende. Vnd sunderlichen von der verenderung vnd kore wegin der rete in vnfern obgenannten beiden steten haben wir gesatzt, gemacht vnd ernstlichen geboten, diese hirnoch geschribene wiese ewighen zu halden, Die denn die obgenannten burgermeistere, ratmann, vierwercke vnde die gantze gemeine mit willin vnd eintrechtlichem rate angenommen haben, also, das ein igliche Stadt von den egenannten vnfern beiden steten iren besundern rat vnd sunderlich regiment



nu vnd zu ewigen zyten haben vnd behalten sol. Czum Erften, wenn die obingeschrieben nuwe gesetzth vnd bestetigte Burgermeistere vnd ratmann das erste Jar in dem rate, ein iglicher, als er von vns bestetiget worden ist, gefelsin sin, vnd die obgenannten vnser stete ratewiese auf ire eide nach irem besten vermogen geregiret haben vnd das Jar vergangen ist, denn soll ein iglich rat zu Berlin befundern ander fromme, bederwe lute sunderlichen auß den vierwercken zu voran vnd auß den gemeinen burgern, nach obin geschriebner antzal an ire stad, auf alle nachfolgende Jare zu Burgemeistern vnd ratmann, wie sie das fur das beste erkennen, kisen, nach guter vernunft vnd bie iren Eiden, doch also, das sie keinen befundenen rat nicht kiesen oder vngeverlichen, vnd welche sie also zu obgeschriebener maß zu burgemeistern vnd ratmann kiesen, die sollen sie vns, vnsern lieben bruder, vnsern erben vnd nochkommen oder vnsern obersten hauptmann in der Nuvenmarcke, ob wir selbs bye lande nicht weren, von iglicher stat befundern vnd einen iglichen mit sinen namen beschriben, senden oder bringen vnde vns vnde vnser herschaft oder vnser hauptlute in vnserm abwesen muntlichen oder schriftlichen bitten lasen, solche gekorne burgemeistere vnd ratmann zu bestetigen vnd bestetiges Brive daruber zu geben. Vnde wenn dann die rete auß den vorgeschriebben vnsern beiden steten oder ein iglich befunder in obgeschriebener maß vns, vnsern lieben bruder, vnsern erben vnd nochkommen oder in vnsern abwesen vnserm hauptmann in der Nuvenmarck beschriebben gesant vnd die zu bestetigen gebeten werden, dann sollen wir, vnser lieber bruder, vnser erben vnde nochkommen oder vnser oberster hauptmann in vnserm abwesen die macht vnd gewalt zu allen zieten ewiglichen haben vnd behalten, das wir die gekorn vnd beschriebne Burgemeistere vnd ratmann alle oder ihre einteils, die vns, vnsern lieben bruder, vnsern erben vnd nochkommen oder vnserm hauptmanne in vnsern abwesen deuchte, die vns vnde vnser herschaft oder vnsern steten obgenannt zu solchen sachen nicht nutze oder beqveme weren, die zu verandern vnd andere in deren stete zu setzen, wen wir wollen vnd vns zu sulchen sachen nutze vnd gud dunken vnd die zu bestetigen, als oft vnd dick des not geschicht, ane der genanten burgemeistere, rattmann, vierwercken, gemeinen burgere vnd aller Irer nochkommen widder sprache. Vnde dieselbe, die wir, vnser lieber Bruder, vnser erben oder nochkommen oder vnser oberster hauptmann in der Nuvenmarck in vnserm abwesen vnd die benannten burgermeistere vnd rattmann in iglicher Stadt befunder zu burgemeistern vnd rattmann an ihrer stete kiesen vnd setzen werden, die sollen doch in den ratstul nicht eher gehen, sich auch des rats nicht gebruchen noch vor borgermeistere vnd rattmann aufgeben, sie sin dann vorhin von vns, vnsern lieben bruder, vnsern erben oder nochkommen oder von vnserm hauptmann in vnserm abwesen in obgeschriebener maß bestetiget worden. Vnd das sol nu hinfurder meher von den borgemeistern vnd ratmann der vorgeannten vnser beider stete Berlin vnd Colen vnd vor In allen vnd allen Iren nochkommen burgermeister vnd ratmann, vierwercken vnd gantzen gemeine ewiglichen mit der verandern vnd der kore des rates alle Jar hinfurdermer zu ewigen zieten, ane widder sprache, stete vnd veste gehalten vnd nicht verbrochen werden; doch das ein iglich rat, der sin Jar aufgefelsen hat, alle jar jerlichen einen andern rad in obgeschriebner maß nach Ine kiesen sol, als auch obgeschriben stet. Vnd wenn vnd auf welcher zyt wir, vnser lieber bruder, vnser erben oder nochkommen oder vnser houbtmann in vnserm abwesen die burgemeistere vnd ratmann in den benannten vnsern beiden steten oder in einer befundern bestetiget haben, so sullen vnd mugen sie sich denn des rats gebruchen vnd vnderwinden vnd die Inwoner der genannten vnser stete noch allen Irem vermogen vnd noch reddlichkeit regiren vnd vorstehen. Vnd ein iglich rat in iglicher stat befundern soll dem rate, der nach Im gekorn vnd bestetiget wirt, vnd den vierwerkmeistern, die dartzu geschickt werden, reddelich rechnunge



tun vnd pflegen von allem Innemen vnd Aufgeben, was in von der stete wegen intzunemen vnd aufzuegebende geboren wirdet, so oft vnd dick des not geschicht an geverde. Auch sollen nu furdermehrer die sechtzen man, die dann mit dem alten rate vnser stete sachen in rateswies mit bewußt vnd gehandelt haben, auf dismal gantz ab sin vnd von den reten vnser stete blieben. Auch sollen alle verschreibungen vnd buntnisse, ab die obgenannten alten burgemeistere, ratmann vnd alle ire furfare vnd vnser genannten stete sich bynnen oder außer vnser vnd vnser herfschaft landen wes verschrieben oder verpunden hetten, Nu furder mehr ewiglichen gantz ab sin vnd keine kraft oder macht mehr haben. Vnd die obgenannten Burgemeistere, rat vnd vierwercke vnd gantze gemeine der genannten vnser stete Berlin vnd Coln, auch alle Inwonere vnd ire nochkommen derselben stete, sollen sich nu hinfurder zu ewigen zyten mit nymande in keine wiese nicht verschriben, vereinigen noch verbinden vnd sollen auch keine nuwe auffsetze machen oder tun, das geschee dann mit vnser, vnser lieben bruderfs, vnser erben oder nochkommen Marggraven zu Brandenburg wilsen, solbort vnd gutem willen. Vnd das die egenannten burgemeistere, rattmann, vierwercke vnd gantz gemeine der genannten vnser beider stete Berlin vnd Coln vnd alle ire nochkommen vngenotiget an diesen sachen vnd verschreibungen williglichen kommen sin vnd die vnd auch diesen vnsern Brieff in allen geschriebben vnde berurten stucken, puncten vnd artickeln zu ewigen zieten stete, vaste vnde vnverbrochen halten sollen vnd wollen, des haben sie vnser beider obgenannten stete Ingeligele vnd auch die vierwercke irer iglichs gewercks Ingeligel von vnsern genannten beiden steten Berlin vnd Cöln mit wissenschaft, eintracht vnd mit gutem willin der gantzen gemeine an die brive, die sie vns gegeben haben, hengen lassen. Getzuge dieser dinge vnd daran vnd uber sin gewesen: die hochgebornen, wolgebornen, wirdigen, gestrengen vnd erbaren vnser rete vnd lieben getruwen Her Erich, Hertzog zu stetin, zu Pommern, zu Casuben vnd der wende hertzogen vnd herre zu Wolgast, her Albrecht, furst zu Anhalt vnd Grave von Aschanien, Er Nickel Tirbach, meister sant Johans Ordens in der Marck etc., vnd Er Peter Clitzk, Probst zu Brandenburg, Er frantz steger, Probst zu Berlin, Hans von Waldow, Ritter, Wilhelm fuchs, vnser Marschalg, heintze Kracht, vnser Camerer, Jorge von Waldenfels, vnser Camermeister, Otte von Sliwen der alte, Mathiese von Bredow der alte, Heine Pful, Junge Otte von Sliwen vnde ander meher glaubenwirdiger lute genug. Des zu orkunde haben wir obgenannter Marggrave fridrich vnser vnd vnser obgenannten lieben bruderfs, Marggraven fridrichs, Ingeligele zu einander an diesen brief hengen lassen, Der geschriben vnd in vnserm hove zu Berlin gegeben ist Noch gots gebort Virtzehenhundert Jar vnde darnach im zwei vnd virtzigsten Jare, Am nehsten Mantage noch dem sonntag, als man in der heilichen kirchen zum ampte singet Reminiscere in der valten.

Nach dem Orig. im Berliner Stadt-Archive No. 79. (Diese Urkunde ist in doppelten Exemplaren, für Berlin und für Köln, ausgefertigt worden.)